

直省釋奠禮樂記卷四

儀節

直省府州縣廟祀

先師孔子皆以歲春秋仲月上丁行釋奠禮省會正獻以總督若

巡撫一人主之兩序以道員各一人兩廡以知府同知各一

人眠割牲省齋盛以道員各一人糾儀以教授訓導各一人

司祝司香司帛司爵司饌引贊通贊引班以學弟子員嫻禮

儀者執事在城文武官縣丞千總以上咸與祭

班與外朝會同致齋

二日祭前一日有司飭廟戶潔埽殿廡內外眠割牲官公服

詣神廚眡割牲如儀正獻官率執事人入學習儀教官率樂舞諸生入學習舞習吹祭之日陳設省齋祀官偕執事人咸入就位行禮儀節均與太學遣官釋奠同

謹案外朝會班階下東西將軍總督加將軍銜提督為一班巡撫副都統提督學政為二班總兵官協領參領鹽政織造督關郎中布政使按察使各道為三班佐領督關員外郎知府副將參將為四班防禦督關主事司庫同知通判遊擊都司為五班驍騎校知州知縣教官守備為六班筆帖式庫使經歷州同州判縣丞鹽大使由科日出身者立千總等官為七班遇有欵差人員以下京堂列第二班均列第五品以下未部院滿洲蒙古漢軍分左右翼漢官文東武西立位東西面北上拜位北面東班西上西班東上重行異等又謹案會典載齋戒之日不理刑名不燕會不聽樂不入內寢不問疾弔喪不飲酒茹葷不祭神不埽墓有疾有服

者皆弗與

又謹案太學遣官釋奠禮每歲遣官釋奠於先師承祭官分獻官暨陪祀官均致齋二日豫期眡牲割牲皆如前儀先一日太常寺官具祝版送內閣恭書皇帝遣某官某致祭餘辭同前受而供諸殿內祝案行禮如儀祭日陳設牲帛器數如前儀設福胙於殿內東案尊爵之旁加爵一設洗於階下之東禮部侍郎省齋如儀承祭官拜位親王郡王在階上大學士在階下讀祝受福胙拜位在殿中門檻內分獻官在甬道左右陪祀官在庭內左右均北面司香司帛司爵大成殿正位配位以國子監監丞助教學正學錄等官充兩序兩廡暨崇聖祠殿廡均以國子生充序位如前儀奉福胙國子生二人立於東案之東西面接福胙國子生二人立於西案之西東面雞初鳴承祭官分獻官豫集於持敬門內致齋所太常寺贊禮郎十有四人於於持敬門內均朝服味爽贊禮郎二人引承祭官入門親王郡王大學士八左側門又四人分引兩序分獻官又八人分引兩廡分獻官由左側門入至於

階東盟手畢詣拜位前立鴻臚寺官引陪祀官咸詣拜位
序立典儀贊樂舞生登歌執事官各共迺職文舞六佾進
贊禮郎贊就位引承祭官分獻官就位立典儀贊迎
神司樂贊舉迎 神樂奏昭平之章樂作贊禮郎贊就
上香位引承祭官升東階入殿左門贊詣 先師香案
前贊跪承祭官跪行一叩禮興贊上香司香跪奉香承祭
官上炷香三上瓣香跪行一叩禮興贊以次詣 四配位
前跪上香儀同贊復位引承祭官退階復位初迎
神時贊禮郎分引東西序分獻官各一人升東西階入殿
左右門詣 十二哲位前跪上香退階復位引兩廡分
獻官東西各二人分詣 先賢 先儒位前跪上香退復
位均如前儀贊禮郎贊跪叩興承祭官分獻官暨陪祀官
行三跪九叩禮興樂止典儀贊奠帛爵行初獻禮奏宣平
之章舞羽籥之舞樂作贊禮郎引承祭官升階贊詣
先師位前贊跪承祭官跪行一叩禮興司帛跪奉篚承祭
官受篚拱舉奠於案司爵跪奉爵承祭官受爵拱舉奠於
墊中跪行一叩禮興贊禮郎贊就讀祝位引承祭官至
殿中拜位立贊跪承祭官分獻官暨陪祀官皆跪贊讀祝

司祝跪讀祝如儀承祭官分獻官暨陪祀官均照行三叩
首禮興贊禮郎引承祭官以次詣 四配位前跪奠帛獻
爵儀同退階復位贊禮郎分引兩序分獻官升東西階
入殿左右門詣 十二哲位前跪奠帛獻爵興退階復
位均如儀引兩廡分獻官分詣 先賢 先儒位前奠帛
獻爵復位儀同樂止亞獻奏秩平之章 初獻同樂作贊禮郎
引承祭官升階贊詣 先師位前暨 四配位前奠爵
於左如初兩序兩廡隨分獻畢均復位樂止終獻奏敘平
之章 亞舞同樂作引承祭官升階奠爵於右如亞獻儀兩序
兩廡隨分獻畢均復位樂止文德之舞退典儀贊飲福受
昨贊禮郎贊詣受福昨位引承祭官至殿中拜位立奉福
昨二人自東案奉福昨至 先師位前拱舉退立於承
祭官之右接福昨二人自西案進立於左贊禮郎贊跪承
祭官跪贊飲福酒右一人跪遞福酒承祭官受爵拱舉以
授於左接以興次受昨如飲福之儀贊叩興承祭官三叩
興贊復位引承祭官退階復位贊跪叩興承祭官分獻
官暨陪祀官均行三跪九叩禮興典儀贊徹饌奏懿平之
章樂作徹畢樂止贊送 神奏德平之章樂作贊禮郎

贊跪叩興承祭官分獻官暨陪祀官行三跪九叩禮興樂
止典儀贊奉祝帛香饌送燎有司各奉祝帛香饌恭送燎
所如儀承祭官避立拜位西旁俟過復位樂作贊禮郎引
承祭官詣燎所眠燎畢仍引出門左親門大卿王士出左側門
樂止陪祀
各官皆退

又謹案眠牲儀所牧豫設香案於庭中遣官補服詣案前
牧人牽牲過案前導以旗仗所牧跪告牲畢引退○齋戒
儀先二日昧爽太常寺進齋戒牌銅人至乾清門階下恭
設於案太常寺卿行一跪三叩禮退 皇帝致齋大內
頌 制詞於羣臣百官咸齋於公署○書祝版儀先二
日太常寺司祝恭送祝版於內閣授中書舍人敬書祝詞
畢內閣典籍豫設黃案於政事堂中舍人奉祝版陳於案
南向大學士詣案前立北面展祝文敬書 御名瑛翼
日授司祝○閱祝版儀前一日昧爽太常寺設黃案於
中和殿中 御座之南司祝由內閣奉祝版暫奉於
太和殿內初听 皇帝龍袍袞服御 中和殿司祝由
太和殿奉祝版前列提鑪二太常寺贊禮郎引至 中

和殿階下止司祝奉祝版由中階進殿中門陳於案三叩
興退太常寺卿展祝文 皇帝詣案前恭閱畢太常寺
卿韜祝版司祝進至案前三叩恭奉祝版興由殿中門出
太常寺官送祝版奉安於 大成殿○眠割牲儀先一日
宰人豫鑿坎於宰牲亭之西國子監官設香案一於宰牲
亭外光祿寺少卿一人朝服詣香案前上香遂及御史禮
部祠祭司官國子監監丞朝服眠宰宰人割牲以豆取毛
血瘞於坎○辨位儀辨行禮位殿門內正中為 皇帝
拜位北向階下甬道左右為分獻官拜位正殿分獻官六
人在前兩廡分獻官四人在後均北面陪祀王公位階上
東西各二班百官位階下分獻官之南東西各五班重行
異等東位西上西位東上均北面辨執事位鑿儀衛司拜
褥官二人立於 皇帝拜位之左稍後太常寺司祝一
人立祝案西東面司香四人司帛四人司爵九人立東案
之東西面司香三人司帛三人司爵八人立西案之西東
面侍儀禮部尚書侍郎各一人都察院左都御史副都御
史各一人樂部典樂一人分立東西案之南東西面太常
寺典儀一人立殿左門外西面司樂協律郎樂工歌工文

德之舞六佾於階上縣東西序立記注官四人於西階下
序立糾儀御史四人禮部祠祭司官四人引禮鴻臚寺官
四人分立王公百官拜位之次掌燎官率燎人立於燎爐
之隅兩廡國子生司香司帛司爵東西各二人序立南案
之南均北面承祭崇聖祠官拜位在階下分獻官四人
拜位在承祭官後讀祝拜位在殿中門檻內均北面太常
寺司祝典儀掌燎各一人正殿國子官司香九人司帛九
人司爵九人兩廡國子生司香司帛司爵每案各一人立
位與前儀同○讀祝儀司祝至祝案前跪三叩奉祝版跪
案左樂暫止贊引贊讀祝司祝讀祝讀畢興奉祝版跪安
先師位前筐內三叩興退○送神儀典儀贊奉
祝帛香饌送燎司祝司帛詣先師位前成跪三叩司
祝奉祝司帛奉篚與司香跪奉香司爵跪奉饌興以次由
中道出恭送燎所四配十二哲兩廡香帛饌均送焚
燎○以上八條恭查太學遺官釋奠禮節祇書如前儀或
書如儀用特謹錄通禮原文以備參考至太學祝辭樂辭
與直省不同不具錄錄直省各辭如左

祝辭曰維某年月日某官某致祭於

至聖先師孔子曰惟

先師德隆千聖道冠百王揭日月以常行自生民所未有屬

文教昌明之會正禮和樂節之時辟雍鐘鼓咸恪薦於馨香泮

水膠庠益致嚴於遵豆茲當仲春秋祇率彝章肅展徽忱聿將

祀典以

復聖顏子

宗聖曾子

述聖子思子

亞聖孟子配尚

饗

迎

神樂奏昭平之章辭曰大哉

孔子先覺先知與天地參萬世之師祥徵麟紱韻答金絲日月既
揭乾坤清夷初獻樂奏宣平之章辭曰予懷

明德玉振金聲生民未有展也大成俎豆千古春秋上丁清酒既
載其香始升舞羽籥之舞亞獻樂奏秩平之章辭曰式禮莫
愆升堂再獻響協鼓鏞誠孚壘獻肅肅雍雍譽髦斯彥禮陶

樂淑相觀而善終獻樂奏敘平之章辭曰自古在昔先民有
作皮弁祭菜於論思樂惟

大牖民惟

聖時若彝倫攸敘至今木鐸舞均如初徹饌樂奏懿平之章辭曰
先師有言祭則受福四海黌宮疇敢不肅禮成告徹毋疏毋瀆樂
所自生中原有菽送

神樂奏德平之章辭曰鳧繹我我洙泗洋洋景行行止流澤無疆
聿昭祀事祀事孔明化我烝民育我膠庠

崇聖祠同時致祭正獻以督學使者主之若按試他郡則以布

政使一人攝分獻以教諭訓導執事以學弟子員餘陳設行禮並如太學

崇聖祠祭儀

謹案太學 崇聖祠祭儀 崇聖祠同時遣官致祭贊引太常寺贊禮郎引承祭官入祠垣左門引分獻官隨入承祭官詣階下盥手典儀贊執事官各司其事贊禮郎贊就位引承祭官分獻官就位立典儀贊迎 神司香奉香盤就各香案前立贊引官贊就上香位引承祭官升東階入殿左門贊詣 肇聖王位前贊跪承祭官跪行一叩禮興贊上香司香跪奉香承祭官上炷香三上辦香跪行一叩禮興贊次詣左右 正位前跪上香儀同降階復位贊禮郎引分獻官升東西階入殿左右門分詣配位前跪上香如儀降階復位引兩廡分獻官分詣兩廡從位前跪上香復位均如前儀贊禮郎跪叩興承祭官分獻官行三跪九叩禮興典儀贊奠帛爵行初獻禮贊禮郎引

承祭官升階贊詣中案前贊跪承祭官跪行一叩禮興司帛跪奉篚承祭官受篚拱舉奠於案司爵跪奉爵承祭官受爵拱舉奠於墊中跪行一叩禮興贊以次詣左右案前跪奠帛獻爵儀同贊禮郎贊就讀祝位引承祭官詣拜位立司祝至祝案前跪三叩奉祝版跪案左贊跪承祭官分獻官皆跪贊讀祝司祝讀祝讀畢興奉祝版跪安 肇聖王位前篚內三叩興退贊禮郎贊叩興承祭官分獻官行三叩禮興贊復位引承祭官出降階復位贊禮郎引正殿分獻官升東西階入殿左右門詣 配位前引兩廡分獻官分詣兩 從位前跪奠帛獻爵興復位均如正獻儀亞獻各獻爵於左終獻各獻爵於右均如初儀典儀贊徹饌有司徹饌畢贊送 神贊禮郎贊跪叩興承祭官分獻官行三跪九叩禮興典儀贊奉祝帛香饌送燎司祝司帛司香司爵各奉祝帛香饌以次恭送燎位如儀承祭官避立西旁埃過復位贊禮郎引詣燎所 眡燎贊禮畢仍引由祠垣左門出各退

祝辭曰維某年月日某官某致祭於

肇聖王

裕聖王

詒聖王

昌聖王

啟聖王曰惟

王奕葉鍾祥光開聖緒盛德之後積久彌昌凡聲教所覃敷率循

源而溯本宜肅明禋之典用申守土之忱茲屆仲春聿修祀

事配以

先賢顏氏

先賢曾氏

先賢孔氏

先賢孟孫氏尚

饗

監司分駐各府者主其地

文廟之祭他府州縣以長為正獻其貳及所屬兩序分獻

崇聖祠皆教諭正獻前後兩廡皆食餼學弟子員各一人分獻

陳設器數行禮儀節與省會同

月朔釋菜望日上香教授教諭訓導等官分班行禮與太學

同

謹案太學月朔釋菜之禮正獻國子監祭酒兩序兩廡以所屬監丞博士助教學正學錄分獻司爵引贊通贊以肄業諸生執事其日夙興國子監典簿啟殿門及東西廡門率廟戶潔埽內外展神幄拂拭神案每案陳菜棗栗各一豆鑪一登一設案於殿內之東陳香盤三尊一每位爵一又設案於東西兩廡之南各陳香盤三洗於階下之東通贊二人立於殿內東西楹二人立於殿外東西階上皆公服質明祭酒率屬朝服諸生吉服集於持敬門內引贊引由大成門左側門入及庭內通贊贊就位咸就位北面立祭酒司業為一班師儒以位序諸生以齒序咸列於後通贊贊跪叩興祭酒以下行三跪九叩禮興贊行釋菜禮引贊引祭酒詣階東盥手升東階入殿左門詣先師位前司香奉香盤從引贊贊跪祭酒跪通贊贊上香司香跪奉香祭酒三上香興退詣尊案前眠注酒司爵舉罇酌酒實爵引贊引祭酒復詣先師位

前司爵執爵從引贊贊跪祭酒跪通贊贊獻爵司爵跪奉爵祭酒受爵拱舉以授司爵興獻於正中退祭酒興以次詣四配位前跪上香獻爵儀同贊復位引祭酒退降階復位初迎神時引贊引兩序分獻官二人盥手升東西階入殿左右門詣十二哲位前跪上香獻爵畢降階復位均如儀兩廡引贊引分獻官二人盥手詣先賢先儒位前跪上香獻爵畢復位儀同通贊贊跪叩興祭酒率屬及諸生均行三跪九叩禮畢各退崇聖祠正獻國子監司業兩廡以助教學正等官各一人分獻執事以諸生行禮儀節同望日上香之禮國子監典簿拂然燈設香盤於殿內及兩廡各案肄業生司香各一人立於案前設洗於階東質明祭酒司業率屬朝服諸生吉服入大成門左側門階下就位如釋菜之儀通贊贊行上香禮引贊引司業盥手升東階入殿左門詣先師位前引贊贊跪司業跪通贊贊上香司香跪奉香司業三上香興引詣四配位前以次跪上香畢贊復位引司業退降階復位引贊引助教二人盥手升階分詣兩序十二哲位前跪上香畢降階復位均如儀引學正二人盥手分

詣兩廡 先賢 先儒位前跪上香畢復位儀同通贊贊
跪叩興祭酒司業以下行三跪九叩禮畢各退 崇聖祠
正殿以助教一人上香兩廡以
典簿典籍各一人上香儀同

直省府州縣附廟左右各建

忠義孝弟

節孝

名宦

鄉賢四祠歲春秋釋奠禮畢教諭一人公服詣祠致祭是日
清晨廟戶啟祠門拂拭神案執事人入陳羊一豕一盞四豆
四鑪一登二陳祝文於案左陳壺一爵三帛一香盤一於案

右引贊二人引主祭官入詣案前北面立禮生自右奉香盤
主祭官三上香訖引贊贊跪叩興主祭官跪三叩興禮生自
右授帛主祭官受帛拱舉仍授禮生獻於案上禮生潔壺酌
酒實爵自右跪授爵主祭官受爵拱舉仍授禮生興獻於正
中讀祝者取祝文跪案左引贊贊跪主祭官跪讀祝辭曰維
某年月日某官某致祭於

忠義孝弟之靈曰惟

靈稟賦貞純躬行篤實忠誠奮發貫金石而不渝義問昭宣
表鄉閭而共式祇事懋彝倫之大性摯莪蒿克恭念天顯之

親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格几筵尚

饗讀畢以祝文復於案退主祭官俯伏興執事者酌酒獻於
左又酌酒獻於右退引贊贊跪叩興主祭官跪三叩興執事
者以祝帛送燎引贊引主祭官出執事者徹皆退各祠致祭
儀同

節孝祠祝曰維某年月日某官某致祭於

節孝之靈曰惟

靈純心皎潔令德柔嘉矢志完貞全閨中之亮節竭誠致敬

彭閩內之芳型茹冰檠而彌堅清操自勵奉盤匱而匪懈篤

孝傳徽

絲綸特沛乎殊恩祠宇昭垂於令典祇循歲祀式薦尊醪尚

饗名宦鄉賢二祠祝文各省
州縣所在異詞不悉載

以上恭錄

欽定大清通禮

樂舞生就位有轉班鼓節以齊其步武凡十三節而各就位
退班亦如之其譜初三節先二節每節先擊鼓邊二次擊鼓
心一後一節先擊鼓邊二次擊鼓心二次三節每節擊鼓心
二又次三節每節擊鼓心三又次三節每節擊鼓心五末一
節擊鼓心二共四十二擊

右謹錄

闕里文獻考

中和韶樂樂懸罇鐘設於左特磬設於右編鐘設於罇鐘之
右編磬設於特磬之左建鼓設於罇鐘之左其內左右壎篪
排簫並列為一行又內笛並列為一行又內簫並列為一行
又內瑟並列為一行又內琴並列為一行司器樂生器各一
人皆內嚮立左右笙暨列為一行左祝搏拊右敔搏拊樂生
器各一人左右相嚮立笏司章者執之立於笙前左右嚮左
掌麾一人嚮右立樂舞生左右分列於樂懸之前執節者分
立於舞前以引舞

右恭錄

